

Carnaval Relato Especial na REINA CARNAVAL 90

y ainda e tabata tey. Nan di cu ta caminda el a perde...

***Y un di e damsnan a presenta cu un saya y un "top" den forma di "holoooo". Na promer momento nos a pensa cu el a lubida su blusa na cas y a dicidi di coy su bando pone pa "top". Pero despues a resulta cu ta asina mes su disfraz tabata....

***Y nos a puntra nos mes na hopi ocasion ta kende a make up e candidatanan o si ta black out tabata tin na ora di make up. Holoooo. Por ta Carnaval, pero tanto como eso.....

***Un tempo tabata prohibi pa acerca miembronan di jurado. Pero awor den presentacion oficial por parti regalo pa jurado. Ta con e asunto aki ta hinca den otro? Cual regalo ta mas grandi cu otro???

***Nos tin un problema. Pero un problema, problema. Pakico tur Reina mester bini na blanco? Si no tabata pa algun spat di color, casi nos a pensa cu ta desfile di trahe di bruid tabata tin...

***E show di Prins y Pancho a destaca. Casi nos a yama Guinness Book of World Records. Pasobra poco biaha den nos bida nos a mira dos hende logra keda para keto manera e Prins y Pancho. Tape ta toca. Prins para, manera ta cos cu nan a pone cement basha rond di su pia. De bez en cuando Pancho a dal un stap, pero talbez su zapato tabata tamaño mucho chikito y e tabata tin miedo di cana...

***Hopi bon mes e maestro di ceremonia tabata. Especialmente ora el a laga sa cu ta e Presentacion No Oficial pa inmediatamente despues bisa cu ta e Presentacion oficial. Awor ta kico e tabata?

***Y nos tabata tin un miedo....Un temor....Un susto....cu e maestra di ceremonia lo a kibra su lenga. Pasobra loke el a haci cu idioma. Holooooo.....

***Un tip pa Tele Aruba. E palabra ta "iluminacion" no "aluminacion". Nos ta duna e servicio publico aki pa evita cu

Maestro di ceremonia: "Boso tur tey ainda"
Publico: "Si pero nos a pega soño..."



mañan mala lenga ta bay bisa cu ta alma malo a invadi e iluminacion di carnaval....

***Nos mester sali na defensa di Savaneta. Su Reina a sali manera todo un Reina. Pero e pover a haya su mes dilanti di luz di trafico di otro Reina cu no kier a hala un banda...

***Ora un juffrouw cu sinta di Finalista tabata baila ariba stage, nos a kere cu eleccion di reina a caba na mitar. A resulta cu ta show juffrouw a bin duna cu su sinta. E sinta tabata bunita si, pero pa e ocasion ey sinta mester a keda cas...

***Y catocheronan a bira loco ora un Reina a cuminsa haci propaganda pa e cifra 2. Pero nan mester a comprende: "I was born on the 22 nd day, of the 2 nd month and I am number twoooooooooo...." Holo....

***Y sin duda loke a impresion hopi tabata e Reina cu cada bez tabata bisa cu awor e ta bay expresa su mes. Cada bez publico tabata recht lomba pa mira kico e tabata bay expresa, pero su expresion tabata solamente pa expresa cu e ta bay expresa su mes...

***Y un Reina no tabata por mas. El a splica hurado simplemente cu "I like Carnaval like hell". Mas claro no canta un gallo, te pa galifa canta...


***Suerte nos tin cu tanto reina a dicidi di splica kico "Bon bini" kier meen. Pasobra si no e palabranan di maestra di ceremonia "bini bon" lo a keda colga...

***Y nan a ricibi telegram. Cantidad di telegram. Parce cu personal di departamento di telegram a keda cubri e caminda di stadion. Muchanan di school a bisa cu un telegram a keda atras. E tabata bisa: "Mi yiu, mammie ta druk den cushina. Asina mi caba di laba cos di kibra mi ta bay mirabo na television".

***Nan di cu si politicianan papia manera Reinanan a haci tur hende lo comprende e berdad: cu nan ta worde gaña...

***Y pa otro aña nos ta bay habri un negoshi. Nos ta bay bende ala, pa e Reinanan por bula ora nan ta bati braza. Y nos ta bay bende tape, cu nan por graba bay cune. Asina pegamento a pasa pa olvido...

***Bon, nos ta bay sigui. Nos ta bay para na skina pa warda nos Reinanan pasa. Den ambiente di "Aruba, bo teyyyyy"....



Computernan tabata yuda hurado, cu a haya biramento di wowo mientras paharitonan tabata bula ariba stage....